

全上古三代秦漢三國六朝文

全後魏文卷五十四

烏程嚴可均校輯

慕容紹宗

紹宗字紹宗前燕太宰恪之後居于代孝明末從余朱榮入洛  
孝莊初封索盧縣子尋進爵爲侯累遷并州刺史又爲爾朱兆  
長史行臺天平中行揚州刺史尋行豫州遷青州刺史元象初  
進爵爲公除度支尙書後爲晉州刺史西道大行臺遷御史中  
尉除徐州刺史進尙書左僕射侯景反爲東南道行臺加開府  
轉封燕郡公別封永樂縣子武定六年討西魏王思政于潁川  
失利投水死贈尙書令太尉青州刺史諡曰景惠

檄梁文

夫乾坤交泰明聖興作有冥運行之力俱盡變化之途抱識含靈  
融然竝至呈形賦命混而同往所曰立功潛運至德旁通百姓日

用而不知萬國受賜而無迹豈徒鑿其耳目易其心慮悟目風雲  
一其文軌使夫日月之照不私雨露之施均洽運諸仁壽之域納  
于福祿之林自晉政多僻金行淪蕩中原作戰鬪之場生民爲鳥  
獸之餌則我皇魏握立帝之圖納水靈之祉駕雲車而自北策龍  
輅定寶命于踟躕恢之曰武功振之曰文德宇內反可封之俗員  
首識堯舜之心渺海荒忽之外瀚漠羈縻之表方志所不傳荒經  
所不綴莫不繩谷釣山依風託水共仰中國之聖同欣大道之行  
唯夫三吳百越獨阻聲教匪民之咎責有由焉自僞晉之後劉蕭  
作慝擅僭一隅號令自己惟我祖宗馭宇愛民重戰未極謀臣之  
畫不窮節將之兵聊遣行人降曰尺一圓臺已築黃屋輒去賜其  
几杖置之度外蕭衍輕險有素士操蔑聞睥睨君親自少而長好  
亂樂禍惡直醜正巧用其短曰少爲多誑惑愚賤大言曰驚俗驅

窮邪僻。口兵弓作威。曲體脅肩。搖脣鼓舌。俟當朝之顧指。邀在位之餘論。遂汗辱冠帶。偷竊藩維。及寶卷昏狂。下不堪命。曾無北面有犯之節。遽滅人倫在三之禮。憑妖假怪。鬼語神言。稱兵指闕。傾朝鵠主。陵虐孤寡。聾愚士民。天不悔禍。姦醜得志。內恣彫靡。外逞殘賊。驅羸國之兵。迫糊口之眾。南出五嶺。北防九江。屯戍不解。役無寧歲。死亡矢刃之下。夭折霧露之中。哭泣者無已。傷痍者不絕。託身人上。忽下如草。遂使頑嚚子弟。肆行姪虐。狡猾羣小。縱極貪恠。剝割蒼生。肌肉略盡。剝剔黔首。骨髓俱罄。猛虎未方其害。餓狼詎俾其禍。慄慄周餘。救死無地。至于矯情飾詐。事非一緒。毒螫滿懷。妄敷戒業。躁兢盈匱。謬治清靜。至乃大興寺塔。廣繕臺堂。昭陽到景。垂珠銜璧。崢嶸刻削。千門萬戶。鞭撻疲民。盡其筋骨。延壤運石。悲歌掩途。死而可祈。甘同仙化。智幾謀疏。曾不自揆。遇桐柏之流。翻爲已害。子亡齊之脣。忽爲戎首。書契迄茲。罕聞其事。至于廢

捐冢嫡、崇樹恩子、朋黨路開、彼我側目、疾視扼腕、十室而九翹足、有待、良亦多人、二紀于茲、王家多故、始則車馳之警、終有驚墜之哀、神祇痛憤、寓縣崩震、于是故相國齊獻武高王、感天壤之慘蹟、激雲雷曰慨然、仗高義而率民、奮大節曰成務、爰有匡國定霸之圖、非直討賊雪恥之舉、于是徽略紛紜、靈武冠世、盪滌逋孽、尊主康邦、皇上秉厥受圖、天臨日鏡、道隨玄運、德與神行、旣而元首懷舞戚之風、上宰薄兵車之會、遂解紮南冠、喻曰好睦、舟車遵溯、川陸光華、亭微相望、欣然自泰、反肉還童、不待羊陸、雖嘉謀長算、爰自我始、罷戰息民、兩獲其泰、王者之信、明如四時、豈或爲人君父、二三其德、書而不法、可不惜哉、侯景一介役夫、出自凡賤、聲名淪敝、無或可紀、直曰趨馳便習、見愛尔朱、小人明竊、遂忝名位、及中興之際、義旗四指、元惡不赦、實在羣胡、景荷人成拔、籍其股肱、主人有丹頸之期、所天蹈族滅之歟、雖不能蔽捍左右、呂命酬恩、猶

當慘顏後至，義形于色，而趣利改圖，速如覆手，投身麾下，甘爲僕隸。獻武王棄其瑕穢，錄其小誠，得廁五命之末，預在一隊之後，參迹驅馳，庶其來效。長鞭利鍛，衛已制之，旣關隴，逋誅，每事經略，已河南空虛之地，非兵戰之衝，薄存犄角，聊示旗鼓，豈資實效，寄已遊聲，軍機催勒，蓋唯景任，總兵統旅，別有司存，而愚禍有積，憊懷遂甚，犯違軍紀，仍自猜貳，禍心潛構，翻爲亂階，負恩棄德，罔恤天討，不義不昵，厚而必顛，委慈母如脫屣，棄少弟如遺土，羣子陸陸，妻姪成行，慕美兒之爽言，蔑伯春之宛轉，跳梁猖蹶，夫欲誰欺，比之梟獍，異類同醜，欲擬蛇鼠，顧匪其倫，及遠託關右，委命寇逆，實炬定君臣之分，黑獺結兄弟之親，授已名器之尊，救其重圍之死，憑人繫援，假人鼻息，俄而忘恩，肯惠親尋干戈，露暴惡盈，側首無託，已金陵逋逃之藪，江南流禦之地，甘辭卑體，進熟圖身，詭言浮說，抑可知矣。叛豎救命，豈將擇音，僞朝大夫，幸災忘義，主髦干上。

臣蔽于下，逐雀去草，曾不是圖，竊寶叛邑，椒蘭比好人而無禮，其能國乎？夫安危有大勢，成敗有恆兆，不假離朱之目，不藉子野之聽，聊陳刺心之說，且吐伐謀之言。今帝道休明，皇猷允塞，四民樂業，百靈效祉，雖上相云亡，而伊陟繼事，秉文經武，虎視龍騖，驅日下之俊雄，收一世之英銳，擊刺猶雷電，合戰如風雨，控弦躍馬，固敵是求，蠕蠕昔遭離亂，幅分瓦裂，匹馬孤征，告困于我，國家深敦鄰附，愍其入懷，盡憂人之禮，極繼絕之義，保衛出于故地，資給唯其多少，存其已亡之業，成其莫大之基，深仁厚德，鏤其骨髓，引領思報，義如手足，吐谷渾深執忠孝，膠漆不渝，萬里仰德，奏款屬路，並申已婚好，行李如歸，蠕蠕境界黃河，望通幽夏，飛雪千里，曾冰洞積，北風轉勁，實筋角之時，沍寒方猛，正氈裘之利，吐谷渾疾彼凶逆，疆兵歲舉，傾河及鄴，塵通隴峽，驅龍池之種，藉常勝之氣，二方候隙，企其移踵，加目獨孤如顛，擁眾秦中，治兵劫憤，黑獺北備。

西擬內營腹心、救首救尾、疲于奔命、豈暇稱兵、東指出師函谷、且秋風揚塵、國有恆防、關河形勝之際、山川襟帶之所、猛將精兵、基跼岳立、入寶炬、何陰之止、黑獺邙山之走、眾無一旅、僅以身歸、就其不顧根本、輕懷進趣、斯則一勞永逸、天贊我也、言之旦旦、日月經天、舉世所知、義非徒語、持此量之、理有可見、則侯景遊辭、莫非虛誕、夫景繩樞席牖之子、阡陌鄙俚之夫、遭風塵之會、逢馳騫之日、遂位在三吏、邑啟千社、揣身量分、久當止足、而乃周章去就、離跂不已、夫豈徒爾、事可摧揚、度其眾叛親離、守死不暇、乃聞將棄懸瓠、遠赴彭城、老賊姦謀、復將作矣、固揚聲赴助、計在圖襲、吞淵明之眾、招厭虐之民、舉長淮曰爲斷、仍鴟張歲月、南面假名、死而後已、此蓋蜂鷁之禍、我承其弊、且僞主昏悖、不惟善鄰、賊忍之心、老而彌篤、納逆叛之詭譎、蔑信義曰猖狂、天喪其神、人重其怨、將踐瓜圃之蹤、且追兇侯之轍、今徵發犬羊、侵軼徐部、築壘擁川、覲



觀小利。此而可忍。孰不可懷。兵凶戰危。出不得已。謬奉朝規。肅茲九伐。扛鼎拔樹之眾。超乘投石之旅。練甲爭途。波聚霧合。虎班龍文之逸。蘭池蒲梢之駟。噓天陸野。躡影追風。振旅南轅。長驅討蹶。非直三吳鼠面。一麾魚駭。乘此而往。青蓋將歸。且衍虐網。蚩蚩兵權在外。持險躁之風俗。兼輕薄之子孫。蕭綸兇狡之魁。豈無商臣之佞。蕭譽失志之憤。當召專諸之客。外崩中潰。今也其時。幕府師行。曰禮。兵動曰義。弔民伐罪。理有存焉。其有知機審變。翻然鵠起。立功立事。去危就安。賞典未忘。事必加等。若軍威所至。敢有拒違。尺兒呂上。咸從梟戮。今三禮四義之將。豹虎熊羆之士。深銜逋僞。信納叛亡。違卜懷諫。實與伐役。莫不含怒作色。如赴私讎。茹肝涉血。義不旋踵。攻戰之日。事若有神。莽積麻亂。匪旦伊夕。已彼曲師。危卒望我軍鋒。何異蜺蜺被甲。螂蛆舉尾。正恐旗鼓一接。芝藿俱摧。先事喻懷。備知翰墨。王侯無種。禍福出人。斯蓋丈夫肉食之秋。

壯士封侯之會、冬冰可折、時不再來、凡百君子、勉求多福、傲之所  
到、咸共申省、知我國行師之意、魏書蕭衍傳、武定六年、衍寇遼、徐  
州與侯景為聲援、仍堰泗水、自灌  
彭城、齊文襄遣慕容紹宗、高岳、潘相樂等率眾討之、紹宗據  
衍境、出云云、梁文苑英華、六百四十五、此為杜鰲作

孫騰

騰字龍雀、咸陽石安人、從余朱榮入洛、例除冗從僕射、尋為高  
歡都督府長史、隨府遷晉州長史、加後將軍、封石安縣伯、後廢  
帝卽位、除侍中、北道大行臺、孝武時、授相州刺史、改封咸陽郡  
公、入為侍中、尋行并州冀州相州事、天平初、入為尚書左僕射、  
兼司空、尚書令、除司徒、遷太保、武定六年卒、贈太師、開府、錄尚  
書事、諡曰文

上言犯盜宜準律令

謹詳法若畫一、理尚不二、不可喜怒由情、而致輕重、案律公私劫  
盜、罪止流刑、而比執事苦違、好為穿鑿、律令之外、更立餘條、通相

糾之路班捉獲之賞斯乃刑書徒設獄訟更煩法令滋彰盜賊多有非所謂不嚴而治遵守典故者矣臣已爲升平之美義在省刑陵遲之弊必由峻法是已漢約三章天下歸德秦酷五刑率土瓦解禮訓君子律禁小人舉罪定名國有常辟至如青災肆赦怙終賊刑經典垂言國朝成範隨時所用各有司存不宜巨細滋煩令民豫備恐防之彌堅攻之彌甚請諸犯盜之人悉準律令目明恆憲庶使刑殺折衷不得棄本從末

魏書刑罰志遷都百司奏立嚴制侍中孫騰上言

賈瑗

瑗字世珍遼西遼陽人初爲御史轉奉朝請兼太常博士介朱榮表爲北道大行臺左丞賜爵陽洛男除員外散騎常侍封容城縣伯除征虜將軍通直散騎常侍遷太山太守前廢帝卽位除征南將軍金紫光祿大夫孝武時拜廷尉卿孝靜時除鎮東將軍出爲廣宗太守轉中山太守加征東將軍授使持節平州

刺史入爲齊獻武丞相府右長史又行晉州事遷除大宗正卿  
加衛將軍領本州大中正兼廷尉卿卒贈太僕卿濟州刺史諡  
曰明

上表乞評議麟趾制母殺父條

臣在平州之日蒙班麟趾新制卽依朝命宣示所部士庶忻仰有  
若三章臣聞法象巍巍乃大舜之事政道郁郁亦隆周之軌故元  
首股肱可否相濟聲教之聞于此爲證伏惟陛下應圖臨寓握紀  
承天克構洪基會昌寶厯式張琴瑟且調官羽去甚刪泰革弊遷  
僬俾高祖之德不墜于地畫一旣歌萬國歡躍臣伏讀至三公曹  
第六十六條母殺其父子不得告告者死再三返覆之未得其門  
何者案律子孫告父母祖父母者死又漢宣云子匿父母孫匿大  
父母皆勿論蓋謂父母祖父母小者懷羊甚者殺害之類恩須相  
隱律抑不言法理如是足見其直未必指母殺父止子不言也若

父殺母，乃是夫殺妻，母卑于父，此子不告是也。而母殺父，不聽子告，臣誠下愚。輒曰爲惑。昔楚康王欲殺令尹子南，其子棄疾爲王御土，而上告焉。對曰：泄命重刑，臣不爲也。王遂殺子南，其徒曰行平曰：吾與殺吾父行將焉入？曰：臣平曰：殺父事讎，吾不忍，乃縊而死。注云：棄疾自謂不告父爲與殺，謂王爲讎，皆非禮。春秋譏焉。斯蓋門外之治，曰義斷恩。知君殺父而子不告是也。母之于父，同在門內，恩無可掩，義無斷割。知母將殺，理應告父。如其已殺，宜聽告官。今母殺父而子不告，便是知母而不知父。識比野人，義近禽獸。且母之于父，作合移天。旣殺已之天，復殺子之天。二天頓毀，豈容頓默？此母之罪，義在不赦。下手之日，母恩卽離。仍曰：母道不告，鄙臣所目致惑。今聖化清洽，穆如韶夏，食堪懷音，梟獍猶變。況承風稟教，識善知惡之民哉？脫下愚不移，事在言外。如或有之，可臨時議罪，何用豫制斯條？用爲訓誡，誠恐千載目下，談者誼譏，目明明

大朝有尊母卑父之論。臣管見實所不取。如在涓風厚俗。必欲行之。且君父一也。父者子之天。被殺事重。宜附父謀反大逆。子得告之條。父一而已。至情可見。竊惟聖主有作。明賢贊成。光國寧民。厥用爲大。非下走頑蔽所能上測。但受恩深重。輒獻瞽言。儻蒙收察。乞付評議。魏書實  
援傳

奏請長廣王禪位

天人之望。皆在廣陵。願行堯舜之事。

魏書實  
援傳

難封君義判

尋局判云。子于父母同氣異息。終天靡報。在情一也。今欲論其尊卑。辨其優劣。推心未忍。訪古無據。援曰。爲易曰。天尊地卑。乾坤定矣。又曰。乾天也。故稱父。坤地也。故稱母。又曰。乾爲天。爲父。坤爲地。爲母。禮喪服經曰。爲父斬衰三年。爲母齊衰。尊卑優劣。顯在典章。何言訪古無據。局判云。母殺其父。子復告母。母由告死。便是子

殺天下未有無母之國不知此子將何欲之瑗案典律未聞母殺其父而子有隱母之義既不告母便是與殺父天下豈有無父之國此子獨得有所之乎局判又云案春秋莊公元年不稱卽位文姜出故服虔注云文姜通于兄齊襄與殺公而不反父殺母出隱痛深諱葢而中練思慕少殺念至于母故經書三月夫人遜于齊既有念母深諱之文明無讎疾告列之理瑗尋注義隱痛深諱者曰父爲齊所殺而母與之隱痛父死深諱母出故不稱卽位非爲諱母與殺也是曰下文曰義絕其罪不爲與殺明矣公羊傳曰君殺子不言卽位隱之也葢而中練父憂少衰始念于母略書夫人遜于齊是內諱出奔猶爲罪文傳曰不稱姜氏絕不爲親禮也注云夫人有與殺桓之罪絕不爲親得尊父之義善莊公思大義絕有罪故曰禮也曰大義絕有義得禮之衷明有讎疾告列之理但春秋桓莊之際齊爲大國通于文姜魯公諱之文姜曰告齊襄使

公子彭生殺之魯既弱小而懼于齊是時天子衰微又無賢霸故不敢讎之又不敢告外惟得告于齊曰無所歸咎惡于諸侯請曰公子彭生除之齊人殺公子彭生案卽此斷雖有援引卽曰情推理尙未遣惑

魏書寶璠傳璠表乞評議璠此制并殺父條詔付尙書三公卽中封君義立判璠復難云云事遂停寢

李和之

和之建義初爲長孫稚馮翊王國典祠令

造像記

清信士佛弟子馮翊王國典祠令李和之仰爲七世父母及自己身敬造像四堰願生生世世恆與善會

碑拓本

雷紹

紹字道宗武川鎮人鎮將召補鎮佐賀拔岳曰爲行臺長史歷京兆太守永熙末遷渭州刺史封昌國伯卒贈太尉

遺敕其子



吾本鄉葬法必殺犬馬于亡者無益汝宜斷之敘曰時服事從儉

約北史四十九

劉仁之

仁之字山靜河南洛陽人中尉元昭引為御史前廢帝時兼黃門郎遷彭城王韶定州長史孝武初徵為著作郎兼中書令出除衛將軍西兗州刺史武定二年卒贈衛大將軍吏部尚書青州刺史諡曰敬

與彭城王韶啟

殿下左右可信任者唯有孟業願專任之餘人不可信也北齊書孟業傳

長史劉仁之徵入為中書令臨路啟韶又見北史八十六

姜質

質天水人一云河東人

亭山賦

司農張綸造景陽山有若自然天水人姜質遂造亭山賦行傳于世其辭曰

夫偏重者愛昔先民之由朴由純然則純朴之體與造化而梁津濠上之客柱下之史悟無爲曰明心託自然曰圖志輒曰山水爲富不曰章甫爲貴任性浮沈若淡兮無味今司農張氏實踵其人巨量煥于物表夭矯洞達其真青松未勝其潔白玉不比其珍心託空而棲有情入古曰如新既不專流宕又不偏華尙卜居動靜之閒不曰山水爲忘庭起半丘半壑聽曰目達心想進不入聲樂退不爲隱放爾乃決石通泉拔嶺巖前斜與危雲等竝旁與曲棟相連下天津之高霧納滄海之遠煙纖列之狀如一古崩剝之勢偪千年若乃絕嶺懸坡踰蹺蹺趾泉水紆徐如浪峭山石高下復危多五尋百拔十步千過則知巫山弗及未審蓬萊如何其中煙花露草或傾或倒霜幹風枝半聳半垂玉葉金莖散滿堦坪然目之

綺烈鼻之馨既共陽春等茂復與白雪齊清或言神明之骨陰陽  
之精天地未覺生此異人焉識其名羽徒分泊色雜蒼黃綠頭紫  
頰好翠連芳白鶴生于異縣丹足出自他鄉皆遠來已臻此藉水  
木已翱翔不憶春于沙漠遂忘秋于高陽非斯人之感至何候鳥  
之迷方豈下俗之所務實神怪之異趣能造者其必詩敢往者無  
不賦或就饒風之地或入多雲之處菊嶺與梅岑隨春之所悟遠  
爲神仙所賞近爲朝士所知求解脫于服佩須參次于山陲子英  
游魚于玉質王喬繫鵠于松枝方丈不足已妙詠歌此處態多奇  
嗣宗聞之動魄叔夜聽此驚魂恨不能鑽地一出醉此山門別有  
王孫公子逈遁容儀思山念水命駕相隨逢岑愛曲值石陵歆迴  
爲仁智之田故能種此石山森羅兮草木長育兮風煙孤松既能  
御老半石亦可畱年若不坐臥今于其側春夏分共遊陟白骨兮  
徒自朽方寸兮何所憶

舊寫本洛陽柳盤記

案北史成淹傳淹

子爵好爲文詠但率多鄙俗與河東姜寶

等朋游相好詩賦閒起  
知音之士所共嗤笑

魏靈藏

靈藏鉅鹿人爲陸渾縣功曹

造釋迦石像記

夫聖跡誕遺必表光大之迹玄功既敷亦標希世之作自雙林改  
照大千懷綴嘆之悲慧日潛暉含生銜道慕之應是已應真悼三  
乘之靡憑遂騰空已刊像爰暨下代茲容厥作鉅鹿魏靈藏河東  
薛法紹二人等永豪光東照之資闕兜率翅頭之益敢輒啓家財  
造石象一區凡及眾形罔不備列願乾祚興遐万方朝貫願藏等  
挺三槐于孤峯秀九棘于華苑芳實再繁荆條獨茂合門榮華福  
流奕葉命終之後飛逢千聖神騰六道智周三達曠世所生元身  
眷屬捨百部則鵬擊龍花悟無生則鳳昇道樹五道羣生咸同斯

慶碑拓  
本

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷五十四終

全後魏文卷五十五

烏程嚴可均校輯

蘇綽

綽字令綽武功人魏侍中則九世孫文帝召爲行臺郎中除著作佐郎拜大行臺左丞文帝時爲宇文泰右光祿大夫封美陽縣子加通直散騎常侍進爵爲伯授大行臺度支尚書領著作兼司農卿大統十二年卒隋開皇初追封邵國公

奏行六條詔書

其一先治心曰凡今之方伯守令皆受命天朝出臨下國論其尊貴竝古之諸侯也是目前世帝王每稱共治天下者唯良宰守耳明知百僚卿尹雖各有所司然其治民之本莫若宰守之最重也凡治民之體先當治心心者一身之主百行之本心不清淨則思慮妄生思慮妄生則見理不明見理不明則是非謬亂是非謬亂

則一身不能自治、安能治民也。是以治民之要在清心而已。夫所謂清心者、非不貪貨財之謂也。乃欲使心氣清和、志意端靜、心志靜、則邪僻之慮無因而作。邪僻不作、則凡所思念、無不皆得至公之理。率至公之理、目臨其民、則彼下民孰不從化。是目稱治民之本。先在治心。其次又在治身。凡人君之身者、乃百姓之表。一國之的也。表不正、不可求直影。的不明、不可責射中。今君身不能自治、而望治百姓、是猶曲表而求直影也。君行不能自修、而欲百姓修行者、是猶無的而責射中也。故爲人君者、必心如清水、形如白玉。躬行仁義、躬行孝悌、躬行忠信、躬行禮讓、躬行廉平、躬行儉約。然後繼之、目無倦、加之、目明察。行此八者、目訓其民、是目其人畏而愛之、則而象之、不待家教、目見而自興行矣。

其二敦教化曰：天地之性、唯人爲貴。明其有中和之心、仁恕之行、異于木石、不同禽獸、故貴之耳。然性無常守、隨化而遷、化于敦朴

者則質直化于澆僞者則浮薄浮薄者則衰弊之風質直者則淳和之俗衰弊則禍亂交興淳和則天下自治治亂興亡無不皆由所化也然世道彫喪已數百年大亂滋甚且二十歲民不見德唯兵革是聞上無教化惟刑罰是用而中興始爾大難未平加之目師旅因之目饑饉凡百草創率多權宜致使禮讓弗興風俗未改比年稍登稔穰賦差輕衣食不切則教化可修矣凡諸牧守令長宜洗心革意上承朝旨下宜教化矣夫化者貴能扇之目淳風浸之目太和被之目道德示之目朴素使百姓亶亶日遷于善邪僞之心嗜欲之性潛目消化而不知其所目然此之謂化也然後教之目孝悌使民慈愛教之目仁順使民和睦教之目禮義使民敬讓慈愛則不遺其親和睦則無怨于人敬讓則不競于物三者既備則王道成矣此之謂教也先王之所目移風易俗還淳反素垂拱而治天下目至太平者莫不由此此之謂要道也



其三盡地利曰人生天地之間。衣食爲命。食不足則飢。衣不足則寒。飢寒切體。而欲使民興行禮讓者。此猶逆坂走丸。勢不可得也。是自古之聖王。知其若此。故先足其衣食。然後教化隨之。夫衣食所自足者。在于地利。盡地利所自盡者。由于勸課有方。主此教者。在乎牧守令長而已。民者冥也。智不自周。必待勸教。然後盡其力。諸州郡縣。每至歲首。必戒敕部民。無問少長。但能操持農器者。皆令就田。墾發日時。勿失其所。及布種既訖。嘉苗須理。麥秋在野。蠶停于室。若此之時。皆宜少長悉力。男女併功。若援溺救火。寇盜之將至。然後可使農夫不廢其業。蠶婦得就其功。若有遊手怠惰。早歸晚出。好逸惡勞。不勤事業者。則正表牒名。郡縣守令。隨事加罰。罪一勸百。此則明宰之教也。夫百畝之田。必春耕之。夏種之。秋收之。然後冬食之。此三時者。農之要也。若失其一時。則穀不可得而食。故先王之戒曰。一夫不耕。天下必有受其飢者。一婦不織。天

下必有受其寒者。若此三時不務省事而令民廢農者，是則絕民之命，驅目就死。然單劣之戶及無牛之家，勸令有無相通，使得兼濟三農之隙，及陰雨之暇，又當教民種桑植果，莖其菜蔬，修其園圃，畜育雞豚，以備生生之資，以供養老之具。夫爲政不欲過碎，碎則民煩，勸課亦不容太簡，簡則民怠。善爲政者，必消息時宜，而適煩簡之中。故詩曰：不剛不柔，布政優優。百祿是求，如不能爾，則必陷于刑辟矣。

其四擢賢良曰：天生蒸民，不能自治，故必立君以治之。人君不能獨治，故必置臣以佐之。上自帝王，下及郡國，置臣得賢則治，失賢則亂。此乃自然之理，百王不能易也。今刺史守令悉有僚吏，皆佐治之人也。刺史府官則命于天朝，其州吏以下，竝牧守自置。自昔以來，州郡大吏但取門資，多不擇賢良。未嘗小吏唯試刀筆，竝不問志行。夫門資者，乃先世之爵祿，無妨子孫之愚瞽。刀筆者，乃身

外之末材不廢性行之澆僞若門資之中而得賢良是則策騏驥而取千里也若門資之中而得愚瞽是則土牛木馬形侶而用非不可曰涉道也若刀筆之中而得志行是則金相玉質內外俱美實爲人寶也若刀筆之中而得澆僞是則飾畫朽木悅目一時不可曰充棟牋之用也今之選舉者當不限資蔭唯在得人苟得其人自可起廩養而爲卿相伊尹傅說是也而況州郡之職乎苟非其人則丹朱商均雖帝王之胤不能守百里之封而況于公卿之胄乎由此而言官人之道可見矣凡所求材藝者爲其可曰治民若有材藝而曰正直爲本者必曰其材而爲治也若有材藝而曰姦僞爲本者將由其官而爲亂也何治之可得乎是故將求材藝必先擇志行其志行善者則舉之其志行不善者則去之而今擇人者多云邦國無賢莫知所舉此乃未之思也非適理之論所曰然者古人有言明主聿興不降佐于昊天大人基命不擢才于后

士常引一世之人治一世之務故殷周不待稷契之臣魏晉無假蕭曹之佐仲尼曰十室之邑必有忠信如丘者焉豈有萬家之都而云無士但求之不勤擇之不審或用之不得其所任之不盡其材故云無耳古人云千人之秀曰英萬人之英曰雋今之智效一官行間一邦者豈非近英雋之士也但能勤而審之去虛取實各得州郡之最而用之則民無多少皆足治矣孰云無賢夫良玉未剖與瓦石相類名驥未馳與騫馬相雜及其剖而瑩之馳而試之玉石驚騫然後始分彼賢士之未用也混于凡品竟何目異要任之曰事業責之曰成務方與彼庸流較然不同昔呂望之屠釣百里奚之飯牛甯生之扣角管夷吾之三敗當此之時悠悠之徒豈謂其賢及升王朝登霸國積數十年功成事立始識其奇士也于是後世稱之不容于口彼瓌偉之材不世之傑尚不能目未遇之時自異于凡品況降此者哉若必待太公而後用是千載無太公

必待夷吾而後任。是百世無夷吾。所曰然者。士必從微而至著。功必積小曰至大。豈有未任而已成。不用而先達也。若識此理。則賢可求。士可擇。得賢而任之。得士而使之。則天下之士。何向而不可成也。然善官人者。必先省其官。官省則善人易充。善人易充。則事無不理。官煩則必雜。不善之人。雜不善之人。則政必有得失。故語曰。官省則事省。事省則民清。官煩則事煩。事煩則民濁。清濁之由。在于官之煩省。案今吏員其數不少。昔民殷事廣。尚能克濟。況今戶口減耗。依員而置。猶曰爲少。如聞在下州郡。尚有兼假。擾亂細民。甚爲無理。諸如此輩。悉宜罷黜。無得習常。非直州郡之官。宜須善人。爰至黨族閭里正長之職。皆當審擇。各得一鄉之選。曰相監統。夫正長者。治民之基。基不傾者。上必安。凡求賢之路。自非一途。然所曰得之審者。必由任而試之。攷而察之。起于居家。至于鄉黨。訪其所曰。觀其所由。則人道明矣。賢與不肖別矣。率此曰求。則庶

無愆悔矣。

其五卹獄訟曰人受陰陽之氣已生有情有性性則爲善情則爲惡善惡既分而賞罰隨焉賞罰得中則惡止而善勸賞罰不中則民無所措手足民無所措手足則怨叛之心生是曰先王重之特加戒愼夫戒愼者欲使治獄之官精心悉意推究事源先之曰五聽參之曰證驗妙覩情狀窮鑒隱伏使姦無所容罪人必得然後隨事加刑輕重皆當赦過矜愚得情勿喜又能消息情理斟酌禮律無不曲盡人心遠明大教使獲罪者如歸此則善之上也然宰守非一不可人人皆有通識推理求情時或難盡唯當率至公之心去阿枉之志務求曲直念盡平當聽察之理必窮所見然後櫛訊呂法不苛不暴有疑則從輕未審不妄罰隨事斷理獄無停滯此亦其次若乃不仁恕而肆其殘暴同民木石專任捶楚巧詐者雖事彰而獲免辭弱者乃無罪而被罰有如此者斯則下矣非共

治所寄、今之宰守、當勤于中、科而慕其上善、如在下條、則刑所不赦矣、當深思遠大、念存德教、先王之制曰、與殺無辜、寧赦有罪、與其害善、寧其利淫、明必不得中、寧濫捨有罪、不謬害善人也、今之從政者、則不然、深文巧劾、寧致善人于法、不免有罪于刑、所曰然者、皆非好殺人也、但云爲吏、寧酷、可免後患、此則情存自便、不念至公奉法、如此皆姦人也、夫人者、天地之貴物、一死不可復生、然楚毒之下、曰痛自誣、不被申理、遂陷刑戮者、將恐往往而有、是曰自古曰來、設五聽三宥之法、著明慎庶獄之典、此皆愛民甚也、凡伐木殺草、田獵不順、尚違時令、而虧帝道、況刑罰不中、濫害善人、寧不傷天心、犯和氣也、天心傷和氣損、而欲陰陽調適、四時順序、萬物阜安、蒼生悅樂者、不可得也、故語曰、一夫吁嗟、王道爲之傾覆、正謂此也、凡百宰守、可無愼乎、若有深姦巨猾、傷化敗俗、悖亂人倫、不忠不孝、故爲背道者、殺一勵百、曰清王化、重刑可也、識此

二遂則刑政盡矣

其六均賦役曰聖人之大寶曰位何曰守位曰仁何曰聚人曰財  
明先王必曰財聚人曰仁守位國而無財位不可守是故三五曰  
來皆有征稅之法雖輕重不同而濟用一也今逆寇未平軍用資  
廣雖未遑減省曰卹民瘼然宜令平均使下無匱夫平均者不捨  
豪強而徵貧弱不縱姦巧而困愚拙此之謂均也故聖人曰蓋均  
無貧然財貨之生其功不易織絰紡績起于有漸非旬日之間所  
可造次必須勸課使預營理絹鄉先事織絰麻土早修紡績先時  
而備至時而輸故王賦獲供下民無困如其不預勸戒臨時迫切  
復恐稽緩曰爲已過捶朴交至取辨目前富商大賈緣茲射利有  
者從之貴賈無者與之舉息輸稅之民于是弊矣租稅之時雖有  
大式至于斟酌貧富差次先後皆事起于正長而繫之于守令若  
斟酌得所則政和而民悅若檢理無方則吏姦而民怨又差發徭



役多不存意致令貧弱者或重徭而遠戍富強者或輕使而近防  
宇令用懷如此不存卹民之心皆王政之罪人也

周書蘇綽傳又北史六十三

大誥

惟中興十有一年仲夏庶邦百辟咸會于王庭柱國泰洎羣公列  
將罔不來朝時迺大稽百憲敷于庶邦用綏我王度皇帝若曰昔  
堯命羲和允釐百工舜命九官庶績咸熙武丁命說克號高宗時  
惟休哉朕其欽若格爾有位胥暨我太祖之庭朕將丕命女曰厥  
官六月丁巳皇帝朝格于太廟凡厥具僚罔不在位皇帝若曰咨  
我元輔羣公列將百辟卿士庶尹御事朕惟寅敷祖宗之靈命稽  
于先王之典訓曰大誥于爾在位昔我太祖神皇肇膺明命曰創  
我皇基烈祖景宗廓開四表底定武功暨乎文祖誕敷文德冀惟  
武考不實其舊自時厥後陵夷之弊用興大難于彼東土則我黎  
人咸墜塗炭惟台一人纘戎下武夙夜祗畏若涉大川罔識攸濟

是用稽于帝典、揆于王庭、拯我民瘼、惟彼哲王、示我通訓、曰天生  
烝民、罔克自乂、上帝降鑒、徵聖植元、后曰乂之時、惟元后弗克獨  
乂、博求明德、命百辟羣吏、曰佐之、肆天之命辟、辟之命官、惟曰卹  
民、弗克逸念、辟惟元首、庶黎惟趾、股肱惟弼、上下一體、各勤攸司、  
茲用克臻于皇極、故其彝訓曰、后克艱厥后、臣克艱厥臣、政迺乂、  
今台一人、膺天之祚、既陟元后、股肱百辟、又服我國家之命、罔不  
咸守厥職、嗟后弗艱厥后、臣弗艱厥臣、政于何弗斃、嗚呼艱哉、凡  
爾在位、其敬聽命、皇帝若曰、柱國唯四海之不造、載餘二紀、天未  
絕我太祖列胤之命、用錫我曰元輔、國家將墜、公惟棟梁、皇之弗  
極、公惟作相、百揆暨度、公惟大錄、公其允文允武、克明克乂、迪七  
德、敷九功、龍暴除亂、下綏我蒼生、旁施于九土、若伊之在商、周之  
有曰、說之相丁、用保我無疆之祚、皇帝若曰、羣公、太宰、太尉、司徒、  
司空、惟公作朕鼎足、曰弼乎朕躬、宰惟天官、克諧六職、尉惟司武、

武在止戈、徒惟司眾、敬敷五教、空惟司土、利用厚生、惟時三事、若三階之在天、惟茲四輔、若四時之成歲、天工人其代、諸皇帝若曰、列將汝惟鷹揚、作朕爪牙、寇賊姦宄、蠻夷猾夏、汝徂征、綏之曰惠、董之曰威、刑期于無刑、萬邦咸寧、俾八表之內、莫違朕命、時汝功、皇帝若曰、庶邦列辟、汝惟守土、作民父母、民惟不勝其飢、故先王重農、不勝其寒、故先王貴女功、民之不率于孝慈、則骨肉之恩薄、弗惇于禮讓、則爭奪之萌生、于茲六物、實惟教本、嗚呼、爲上在寬、寬則民息、齊之曰禮、不剛不柔、稽極于道、皇帝若曰、卿士庶尹、凡百御事、王省惟歲、卿士惟月、庶尹惟日、御事惟時、歲月日時、罔易其度、百憲咸貞、庶績其凝、嗚呼、惟若王官、陶鈞萬國、若天之有斗、斟元氣、酌陰陽、弗失其和、蒼生永賴、惇其序、萬物曰傷、時惟艱哉、皇帝若曰、惟天地之道、一陰一陽、禮俗之變、一文一質、爰自三五、已迄于茲、匪惟相革、惟其救弊、匪惟相襲、惟其可久、惟我有魏、承

乎周之末流、接秦漢遺弊、襲魏晉之華誕、五代澆風、因而未革、將  
 曰穆俗興化、庸可暨乎、嗟我公輔庶僚、列辟朕惟否德、其一朕心  
 力、祇愼厥艱、克遵前王之丕顯休烈、弗敢怠荒、咨爾在位、亦協于  
 朕心、惇德允元、惟厥難是務、克指厥華、卽厥實、背厥僞、崇厥誠、勿  
 讐勿忘、一乎三代之彝典、歸于道德仁義、用保我祖宗之丕命、荷  
 天之休、克綏我萬方、永康我黎庶、戒之哉、戒之哉、朕言不再、柱國  
 秦洎庶僚百辟、拜手稽首曰、竄聰明作元后、元后作民父母、惟三  
 五之王、率由此道、用臻于刑措、自時厥後、歷千載而未聞、惟帝念  
 功、將反叔世、逃致于雍熙、庸錫降丕命于我羣臣、博哉王言、非言  
 之難行之寶難、罔不有初、鮮克有終、商書曰、終始惟一、德迺日新、  
 惟帝敬厥始、愼厥終、日躋日新之德、則我羣臣敢不夙夜對揚休  
 哉、惟茲大誼、未光于四表、日邁種德、俾允域幽遐、咸昭奉元后之  
 明訓、率遷于道、永膺無疆之休、帝曰、欽哉、

周書蘇綽傳自晉之季文章競爲浮華遂成

風俗太粗欲革其弊因魏帝祭廟羣臣畢至乃命綽爲大誥奏行之其詞曰云云自是之後文筆皆依此體又見北史六十三

七經論

佛性論

並周書蘇綽傳

王正言

正言陳郡人大統中爲七兵尚書

獨孤信復職議

邊將董戎襲行天罰喪師敗績國刑無捨荊州刺史獨孤如願任當推轂遠襲襄宛斬賊帥辛纂傳首京師論功語效實合嘉賞但庸績不終旋致淪沒責成之義朝寄有違然孤軍數千後援未接賊眾我寡難曰自固既經恩降理絕刑書昔秦宥孟明漢捨廣利卒能改過立功垂芳竹帛目今方古抑有成規臣等參議請赦罪復其舊職周書獨孤信傳信爲荊州刺史東魏遣高拔曹侯景等損國威上書謝罪文帝付尚書議之七兵尚書陳郡王正言等議

曹續生

續生大統中爲富平令

造像碑

大魏大統五年歲次己未二月乙酉朔廿五日己酉威烈將軍富平令頻陽縣開國男曹續生息延慶直閣都口夫至道空玄非言無旨申其宗真容絕相非刑像何旨表其算是旨現治富平令曹并邑子卅四人等各減割家珍造像四堰上爲帝主永隆諸王公長壽下及邑子

下闕  
碑拓本

岐法起

造像記

大統十六年九月一日佛弟子岐法起造白石像一區爲七世父母所生父母家口大小無病養年常與善俱一時成佛

碑拓本

王方略

造須彌塔記

大魏天平三年歲次丙辰正月癸卯朔合邑等敬造須彌塔一區  
仰爲皇帝陛下師僧七世父母所生父母因緣眷屬後爲邊地眾  
生常與善居彌勒三會唱在初首下生人間侯王長者合邑諸人  
所願如是教化主王方略邑師法顯邑師道寶比丘道景比丘僧  
惠賈仲郭阿石口曹和唯那劉口口

碑拓本

封君義

君義孝靜時尚書三公郎中

判竇瑗表改麟趾制母殺父條

身體髮膚受之父母生我勞悴續莫大焉子于父母同氣異息終  
天靡報在情一也今忽欲論其尊卑辨其優劣推心未忍訪古無  
據母殺其父子復告母母由告死便是子殺天下未有無母之國  
不知其子將欲何之案春秋莊公元年不稱卽位文姜出故服虔

汪云文姜通兄齊襄與殺公而不反父殺母出隱痛深謀其而中練思慕少殺念至于母故經書三月夫人遜于齊既有念母深諱之文明無離疾告列之理且聖人設法所曰防淫禁暴極言善惡使知而避之若臨事議刑則陷罪多矣惡之甚者殺父害君著之律令百王罔革此制何嫌獨求削去既于法無違于事非害宣布有年謂不宜改

魏書竇瑗傳瑗表言麟趾新制母殺父子不得告  
告者死此條乞付評議詔付尚書三公卿中封君

義立  
判云

信都芳

芳字玉琳河間人初爲安豐王延明客後隱于并州樂平之東山孝靜時爲高歡中外府田曹參軍

駁李業興甲子元厯

今年十二月二十日新厯歲星在營室十三度順疾天上歲星在營室十一度今月二十日新厯鎮星在角十一度雷天上鎮星在



亢四度留今月二十日新厓太白在斗二十五度晨見逆行天上

太白在斗二十一度逆行便爲差殊

魏書律厓志下興和元年命李業興改立卯子元厓事訖

詔曰新厓示田曹參軍信都芳芳較

### 四術周髀宗序

漢成帝時學者問蓋天揚雄曰蓋哉未幾也問渾天曰洛下閎爲之鮮于妄人度之耿中丞象之幾乎莫之息矣此言蓋差而渾密也蓋器測影而造用之日久不同于祖故云未幾也渾器量天而作乾坤大象隱見難變故云幾乎是時太史令尹咸窮研晷蓋易古周法雄乃見之曰爲難也自昔周公定影王城至漢朝蓋器一改焉渾天覆觀曰靈憲爲文蓋天仰觀曰周髀爲法覆仰雖殊大歸是一古之人制者所表天效玄象芳曰渾算精微術幾萬首故約本爲之省要凡述二篇合六法名四術周髀宗

北史人十九

郭秀

秀字季素范陽涿郡人爲高歡行臺左丞進七兵尚書未拜卒  
與楊愔書

高王欲送卿于帝所

北齊書  
楊愔傳

于子建

子建河南人武定末爲宣威將軍懷州長史行武德郡事

武德郡建沁水石橋記

夫梵燈遐廓長夜襲其明慧教洞開羣迷啟其目是日神光未滅  
感膺于西胡金儀雖謝夢現于東漢抑亦愍世多艱下生思土運  
濟貫心慈悲注意歸依者塵霧莫侵迴向者雷電不撓信是苦海  
之靈丹酷旱之甘露矣惟此區域號稱舊邦舜禹懷譚之地殷周  
畿甸之土晉啟山陽鄭錫河後餘趙稱都入魏爲鎮及秦吞六雄  
跨有四海罷侯置守乙統九服項羽改名殷國漢高復立爲郡自  
茲已還爲河內下邑屬皇朝遷鼎卜食漳濱遂方割四縣在古州

城置武德郡焉。北通燕趙，堂堂之風相洽。南引鞏雒，穆穆之化日清。西瞻軹塞，則連山萬疊。東望平皋，則曠野千里。長河帶其前，太行環其後。車馬之所混口，舳舻之所湊集。頗是一都之要害，實爲三魏之逵道。若其沈淟雙吐，丹絕竝納。勢等周原，美齊陸海。袂散成帷，人縈若繡。禮樂尚繁，風儀未革。然郡土遼廓，沁水橫流。源自羊頭之山，發于麻谷之口。滔滔晉域，作紀懷方。引漑過于鄭白，流穢踰于汾澮。但波漸臺雉，岸合崢嶸。揭厲多危，往來受害。至于秋雨時降，水潦口驚。馬牛雖辨，公私頓廢。有岨乘車之義，事切朝涉之艱。宣威將軍懷州長史行武德郡事河南于子建，車騎將軍左光祿大夫平皋令京兆杜護宗，前將軍懷縣令趙郡李同賓，征西將軍州縣令扶風馬周洛，殄難將軍溫縣令廣靈燕景裕，征虜將軍郡丞東平李思哲，或分竹專城，或操木百里。鵠起來官，共治民瘼。況同覩艱辛，俱看危瀕。一物可矜，納隍在念。敬思包鹿濟難之

仁俯□□龜報恩之惠雖無武庫造梁之工術且□沙弥訪津之  
慇懃音畺問俗便獲□□軌躅雖亡遺柱在目父□□傳咸屬周  
時稱其板構與城俱廢乃于農隙之月各率祿力□□及□朝文  
武口懷熹願七月六日經始此橋助福者比肩獻義者聯轂人百  
其功共陳心力至廿四日所口便訖不煩遐邇荷擔之勞未傷士  
民尺寸之木雖無匪日之美庶省浹晨之費修柱揭目插泉華表  
鬱而軼漢紅口交架呂□□綺蘭聯縣而雲布引北山之饒則人  
無遺力積南市之富而家有餘資昔伯度記功勒燕然口口文淵  
表口口象林之銅作述之理雖殊刊錄之情不異況四生踏駭同  
悲欣之境十困還匝勁風電之力若不歸依寶口口口神教遠擬  
彼岸之喻近取成務之言恐沮勸之道未宜盡拚之功虛燼乃運  
石立碑敬鐫畺像窮般馬之巧盡金牒之饒使四部往來起歎慕  
之心六道奔趣識風雲之會其詞曰

清虛曰道正直爲神有一于此用表生民淵乎大覺至矣能仁行  
成元吉德伏波旬其芒芒禹績眇眇桓功爲魚左衽邀聽前風九

州咸載五等攸同分疆敷土俾侯樹公其美茲舊甸麗其新邑憑

帶山河苞苴原隰禮樂仍賁風徽猶緝青藜可翦潢流可挹其粵

余承乏謬廁官方政慚春雨威愧秋霜情深履虎意等納隍慕彼

醫藥眷此津梁其渾渾沁水冀道名川既難揭厲又阻口船爰始

經謀義勸競填辰不再決斯構已宣其落落太虛繞繞羣有來同

聚洙去齊過牖敬託三尊資憑四部髣髴彼岸依帟可久其大魏

武定七年歲次己巳四月丙戌朔八日癸巳建碑拓本

宦官

劉騰

騰字青龍平原人居南兖州之譙郡孝文世坐事受刑補小黃  
門轉中黃門太和末進冗從僕射宣武時歷中給事遷中尹中

常侍加龍驤將軍拜大長秋卿金紫光祿大夫進太府卿孝明  
卽位封開國子靈太后臨朝除崇訓太僕加中侍中改封長樂  
縣公遷衛將軍儀同三司尋與元又幽太后于宣光殿進司空  
正光四年卒年六十贈使持節驃騎大將軍太尉冀州刺史太  
后反政奪爵發冢

奏請定中宮車制

中宮僕刺列車輿朽敗自昔舊都禮物頗異遷京已來未復更造

請集禮官目裁其制

魏書禮志四熙平元年六月  
中侍中劉騰等奏

詐爲胡玄度等列誣清河王懌

許度等金帛令曰毒藥置御食中曰害帝自望爲帝許度兄弟曰

富貴

魏書元  
叉傳

列女

張氏

張氏中山人國子博士高謙之妻

誠諸子

自我為汝家婦未見汝父一日不讀書汝等宜各修勤勿替先業

魏書高  
崇附傳

路僧妙

造釋迦像記

大魏普太二年四月廿四日清信士路僧妙為亡夫造釋迦象一

區願令亡夫捨穢從真神超隆海而奉慈顏願見在眷屬口鍾善

集舍門口口辨比丘僧口口者口文口

碑本  
案為亡夫造像  
測路僧妙是清信女豈當

時士女  
通稱邪

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後魏文卷五十五終



全後魏文卷五十六

烏程嚴可均校輯

關名一

上前廢帝勸進表

否泰治時。殷憂啟聖。故六飛在御。三石興符。伏惟陛下。運屬千齡。智周萬物。獨昭繫象。妙極天人。寶祿有歸。光宅攸屬。而將安獨善。不務兼濟。靈命徘徊。幽明載佇。伏願時順。謳謠念茲。宗祗用捨。勞疾允答。人神。魏書前廢帝紀長廣王曄建明二年三月至邨南介朱世隆奉廣陵王東門之外行解讓之禮羣臣上表云云

上太武帝書

苑囿過度。民無田業。乞減大半。旨賜貧人。

魏書古弼傳太武時上谷民上書

爲太武帝讓沮渠收雉書

王外從正朔。內不捨僭罪一也。民籍地圖。不登公府。任土作貢。不

入司農罪二也。既荷王爵，又受僞官，取兩端之榮，邀不二之寵，罪三也。知朝廷志在懷遠，固違聖略，切稅商胡，自斷行旅，罪四也。揚言西戎，高自驕大，罪五也。坐自封殖，不欲入朝，罪六也。北託叛虜，南引仇池，憑援谷渾，提挈爲姦，罪七也。承敕過限，輒假征鎮，罪八也。欣敵之全，幸我之敗，侮慢王人，供不曰禮，罪九也。既婚帝室，寵踰功舊，方恣慾情，蒸姪其嫂，罪十也。既違伉儷之體，不篤婚姻之義，公行醜毒，規害公主，罪十一也。備防王人，候守關要，有如寇讎，罪十二也。爲臣如是，其可恕乎？先令後誅，王者之典也。若親率羣臣，委贄郊迎，謁拜馬首，上策也。六軍既臨，面縛輿轅，又其次也。如其守迷窮城，不時悔悟，身死族滅，爲世大戮，宜思厥中，自求多福也。

魏書沮渠牧犍傳世祖視之  
征之謂公卿爲書讓之

上言賈相遇石人事

晉昌民賈相，昔年二十二爲雁門郡吏，入句注西陁，見一老父，謂

相曰自今以後四十二年當有聖人出于北方時當大樂子孫永  
長吾不及見之言終而過相顧視之老父化爲石人相今七下  
檢石人見存

魏書靈徵志下天興四年春新興太守上言

### 上言大石文

往曹氏之世巨池縣大柳谷山石表龍馬之形石馬脊文曰大討  
曹而晉氏代魏今石文記國家祖宗諱著受命之符乃遣使圖寫  
其文大石有五皆青質白章開成文字其二石記張呂之前已然  
之效其三石記國家祖宗目至于今其文記昭成皇帝諱繼世四  
六天法平天下大安凡十四字次記太祖道武皇帝諱應王載記  
千歲凡七字次記太宗明元皇帝諱長子二百二十年凡八字次  
記太平天王繼世主泊凡八字次記皇太子諱昌封太山凡五字  
初上封太平王天文圖錄又授太平眞君之號與石文相應太宗  
名諱之後有一人象攜一小兒見者皆曰上愛皇孫提攜臥起不

離左右此卽上象靈契眞天授也

魏書靈徵志下眞君五年二月張掖郡上言

上言積穀

請析州郡常調九分之二京都度支歲用之餘各立官司豐年糴貯于倉時儉則加私之一糴之于民如此民必力田自買絹積財自取粟官年登則常積歲凶則直給又別立農官取州郡戶十分之一自爲屯民相水陸之宜斷頃畝之數自贖贖雜物市牛科給令其肆力一夫之田歲責六十斛甄其正課并征戍雜役行此二事數年之中則穀積而民足矣

魏書食貨志太和十二年詔羣臣求安民之術有司上言

奏上太上皇帝尊號

昔三皇之社淡泊無爲故稱皇是曰漢高祖旣稱皇帝尊其父爲太上皇明不統天下今皇帝幼冲萬機大政猶宜陛下總之謹上尊號太上皇帝

魏書獻文帝紀皇興五年八月禪位太子于暉羣公奏

奏屍異

上谷郡比丘尼惠香在北山松樹下死屍形不壞爾來三年士女觀者有千百于時人皆異之魏書口口口大和九年有司奏

奏檢罷僧尼

前被敕曰勒籍之初愚民僥倖假稱入道曰避輪課其無籍僧尼罷遣還俗重被旨所檢僧尼寺主維那當事隱密其有道行精勤者聽仍在道為行凡癡者有籍無籍悉罷歸齊民今依旨簡選其諸州還俗者僧尼合一千三百二十七人魏書口口口太和十年有司奏云云奏可

奏長孫慮乞代父死

慮于父為孝子干弟為仁兄尋究情狀特可矜感魏書長孫慮傳代父命尚書奏高祖詔恕其父死罪

奏處裴植死刑孝明初卽位

羊祉告植姑子皇甫仲達云受植旨詐稱被詔率合部曲欲圖領軍于忠臣等窮治辭不伏引然眾證明晰案律在邊合率部眾不

滿百人曰下身猶尙斬況仲達公然在京稱詔聚眾誼惑都邑駭動人情量其本意不可測度案詐律詐稱制者死今依眾證處仲達入死金紫光祿大夫尙書崇義縣開國侯裴植身居納言之任爲禁司大臣仲達又稱其姓名募集人眾雖名仲達切讓無忿懼之心眾證雖不見植皆言仲達爲植所使召仲達責問而不告列推論情狀不同之理不可分明不得同之常獄有所降減計同仲達處植死刑又植親率城眾附從主化依律上議唯恩裁處

魏書裴叔業附傳

兄子植爲度支尙書會韋伯所告植欲謀廢黜尙書又奏

奏尼太后喪儀

案舊事皇太后崩儀自復魂斂葬百官哭臨其禮甚多今尼太后旣存委俗尊憑居道法凶事簡速不依配極之典寺庭局狹非容百官之位但昔經奉接義成君臣終始情禮理無廢絕輒準故式立儀如別內外羣官權改常服單衣衾巾奉送至墓列位哭拜事

訖而除止在京師更不宣下魏書禮志四神龜元年九月尼向皇太后勅下瑞光寺有司奏云云又見通典八十

奏太后父依前詔稱太上

張普惠辭雖不屈然非臣等所同渙汗已流請依前詔魏書張普惠傳靈太后父司徒胡國珍薨贈相國太上秦公普惠臣前世后父無太上之號密表太后傳議議者曰太后當朝志相黨順遂奏奏請許崔光伯解職

案禮始封之君不臣諸父昆弟封君之子臣昆弟不臣諸父封君之孫得盡臣計始封之君即是世繼之祖尚不得臣況今之刺史既非世繼而得行臣吏之節執笏稱名者乎檢光伯請解率禮不愆請宜許遂曰明道教魏書崔亮附傳亮從父弟光伯為青州別駕後曰從弟休臨州遂申牒求解尚書奏靈太后令從之

奏請優賚閭慶肩

案慶肩自臨此郡惠政有聞又能自己已粟贍恤饑饉乃有子愛

百姓之義如不少加優賚無已厲彼貪殘又案齊州東魏郡太守

路邕在郡治能與之相埒語其分贍又亦不殊而聖旨優隆賜已

衣馬求情即理謂合同賞魏書良吏閭慶餘傳有司奏孟太后卒無褒賞焉

奏置齊獻武王陵官

齊獻武王勳高德重禮絕羣辟昔霍光陵邑亦置長丞主陵今諸

置長一人丞二人錄事一人戶曹史一人禁備史一人侍一人皆

降帝陵官品一等其侍依舊魏書官氏志武定二年十一月有同奏

國號議

昔周秦以前世居所生之土有國有家及王天下即承為號自漢

以來罷侯置守時無世繼其應運而起者皆不由尺土之資今國

家萬世相承啟基雲代臣等已為若取長遠應目代為號魏書道武紀天

興元年六月丙子詔有司議定國號臣等曰

曰損見太平郡議



古今瑞應多矣然白狼見于成湯之世故殷道用興太平嘉名也  
又先帝本封之國而白狼見焉無窮之徵也周宣王得之而犬戎  
服魏書靈徵志下太安三年三月有白狼一見于太平郡議者曰

遣師援于闐議

于闐去京師幾萬里蠕蠕之性惟習野掠不能攻城若爲所拒當  
已旋矣雖欲遣師勢無所及魏書于闐傳顯祖末蠕蠕寇于闐于闐遣使素目伽上表求援顯祖詔公

卿議之  
公卿奏

議撰親祀七廟儀

昔有虞親虔祖考來格殷宗躬謁介福道降大魏七廟之祭依先  
朝舊事多不親謁今陛下孝誠發中思親祀事稽合古王通典禮

之常典臣等謹案舊章并採漢魏故事撰祭服冠履牲牢之具器

洗簠簋俎豆之器百官助祭位次樂官節奏之引升降進退之法

別集爲親拜之儀魏書禮志一太和六年十一月將親祀七廟詔有司依禮具儀于是羣官議又見通典四十九

王公五等爵有罪降本爵一等議

官人若罪本除名已職當刑猶有餘資復降階而敘至于五等封爵除刑若盡永卽甄削便同之除名于例實爽恩謂自王公已下有封邑罪除名三年之後宜各降本爵一等王及郡公降爲縣公公爲侯侯爲伯伯爲子子爲男至于縣男則降爲鄉男五等爵者亦依此而降至于散男其鄉男無可降授者三年之後聽依其本品之資出身

魏書刑罰志延昌二年詔議律之制與人坐門下參議皆曰爲

答諸儒問

諸儒問云日月已過或父已亡獨聞喪當稅之不若宜稅稅何服答曰父卒而爲祖後服斬與父在異者也

通典九十八人案魏時云云

野王縣孔子廟記

仲尼傷道不行欲北從趙鞅聞殺鳴鐸遂旋車而反及其後也晉人思之于太行嶺南爲之立廟蓋往時迴轅處也

水經沁水注魏太和元年孔震

度等曰舊宇毀落上求修復野正令范眾愛河內太守元真刺史  
威陽公高允表開立碑于廟治中劉明別駕呂次文主簿向班虎  
劉靈龜曰宣尼大聖非  
碑頌所稱宜立記焉

魯國孔氏官于洛陽因居廟下曰奉蒸嘗上同

邑主仇池楊大眼爲孝文皇帝造象記

夫靈光弗曜大千懷永夜之悲玄蹤不遺葉生哈靡導之懺是目  
如來應羣緣曰顯跡爰暨□□□像遂著降及後王茲功厥作輔  
國將軍直閣將軍□□□梁州大中正安戎縣開國子仇池楊  
大眼誕承龍曜之資遠踵應符之胤稟英奇于弱年挺超羣于始  
冠其口也垂仁聲于未聞揮光也摧百万于一掌震英勇則九宇  
咸駭存侍納則朝野必附彭王衢于三紛埽雲勳于天路南穢旣  
澄震傲歸闕軍次口行路逕石窟覽先皇之明蹤觀盛聖之麗迹  
矚目口霄泣然流感遂爲孝文皇帝造石像一區凡及眾形罔不  
備列刊石記功示之云爾

碑折本

鉅鹿太守呂顯頌

時惟府君剋己清明，緝我荒土，民胥樂生，願壽無疆，日享長齡。

呂羅漢傳：祖顯爲慕容垂河間太守，皇始初，召郡來降，拜鉅鹿太守，民頌之。

季洪演造像頌

邑子季洪演

夫靈光郁烈，雖體洞埃塵，然一乘震運，則十躔競發，故釋迦出沒，有其四也。是日邑義等皆籍出蘭蕙，秀貫煙霞，悼純暉之日削，恨重闇之年深，遂相率捨爰圖嘉石，于此爽塏，營像一區，庶踵万品等階十号，頌曰：

湛矣澄源，修哉寶觀，息彼摸擬，邁茲陳讚，事等手足，道猶花機，遠邇分津，清濁交判，有釋迴輿，體苞聖達，淨樂蕭然，常我無遏，三徑是墳，五蓋修脫，六度告離，雙林顯末，於穆邑義，廣夏之梁，爰樹瓊像，髣髴遺光，功崇先祀，福潤見方，咸踵六吉，永拔宿霜，武定二年。

三月一日造訖

碑拓本

弩機銘

正始二年二月卅日左尚方信世作吏李貞巨待詔孟朝師左轉

除待詔李昌師造

拓本

石門銘

此門蓋漢永平中所穿將五百載世代綿迴屯夷遞作乍開乍閉  
通塞不恆自晉氏南遷斯路廢矣其崖岸崩淪礧閣堙穢門南北  
各數里車馬不通者久之攀蘿捫葛然後可至皇魏正始元年漢  
中獻地哀斜始開至于門北一里西上鑿山爲道峭岨槃迂九折  
無呂加經途巨礙行者苦之梁秦初附實仗才賢朝難其人褒簡  
良牧三年詔假節龍驤將軍督梁秦諸軍事梁秦二州刺史泰山  
羊祉建旗幡漾撫境綏邊蓋有叔子之風焉呂天嶮難升轉輸難  
阻表求自迴車已降開創舊路釋嶺磴之勞就方軌之逸詔遣左

校令賈三德領口口口口口口口口人共成其事三德巧思機發精解冥會雖元凱之梁河德衡之損躡未足偶其奇起四年十月十日訖永平二年正月畢功閣廣四丈路廣六丈皆填模棧豁碎嶮梁及自迴車至谷口二百餘里連輶駢轡而進往哲所不工前賢所輟思莫不夷通焉王生履之可無臨深之歎葛氏若存幸息木牛之勞于是畜產鹽鐵之利紬錦罽毼之饒充仞川內四民富實百姓息肩壯矣自非思埒班爾籌等張蔡忠公忘私何能成其事哉乃作銘曰

龍門斯鑿大禹所彰茲巖迺穴肇自漢皇導此中國已宣四方其功伊何既逸且康去深去阻匪閭匪梁西帶汧隴東控樊襄河山雖險惟德是強昔惟畿甸今則關疆永懷口口口口在人亡不逢殊績何用再光水眺悠息林望幽長夕凝曉露晝含曙霜秋風夏起寒鳥春傷穹窿高閣有車轡輪威夷石道馴牡其馴千載絕軌百

兩更新。敝刊巖曲。已紀鴻塵。魏永平二年太歲己丑正月己卯朔  
卅日戊申梁秦興籤太原郡王遠書石師河南郡洛陽縣武阿仁  
鑒字

案西壁文後漢永平中開石門今大魏改正始五年爲永平元年  
餘功至二年正月訖手開復之年同日永平今古同前極矣哉後  
之君子異世同聞焉

碑拓本

齊郡王祐造像銘

夫玄宗冲邈跡遠于鹿關靈範崇虛理絕于埃境若不圖色相已  
表光儀尋聲教已陳妙軌將何已依希至象髣髴神功者哉持節  
督涇州諸軍事征虜將軍涇州刺史齊郡王祐體蔭宸儀天縱淑  
茂達成實之通途識真假之高韻精善惡下當有之二門明生滅  
之一理資福有由歸道無礙于是依雲山之逸狀卽林水之仙區  
啟神像于青山鑱禪形于玄石締慶想于幽津結嘉應于冥運乃

作銘曰

芒芒玄極，眇眇幽宗。靈風潛被，神化冥通。舟輿爲本，廣濟爲功德。  
由世重，道召人鴻。臨觀淨境，絕塵封圖。形泉石構，至雲松口。  
□□□□□□福田有慶，嘉應無窮。熙平二年七月廿日造。  
碑拓本

賜進士出身三品銜廣東等處提刑按察使司按察使兼管驛傳事務黃岡王毓藻校刊



全後魏文卷五十七

烏程嚴可均校輯

闕名二

魏故靈朔將軍固州鎮將鎮東將軍漁陽太守宜陽子司馬元興墓誌銘

君諱紹字元興河內溫人也晉河間王右衛將軍遷散騎常侍中護軍使持節侍中太尉公贈車騎大將軍儀同三司諡曰武王欽之玄孫晉河間王侍中左衛將軍贈使持節鎮西將軍荊州刺史諡曰景王曇之之曾孫晉淮南王祕書監遷使持節鎮北將軍徐兗二州刺史晉祚流移姚授冠軍將軍殿中尚書大魏蒙授安遠將軍丹陽侯贈平西將軍雍州刺史諡曰簡公叔璠之孫靈朔將軍宜陽子驃騎府從事中郎鎮西將軍略陽王府長史道壽之子君夙稟明頽

案此規字北齊鄭述祖天柱山銘禮義已成頽頽可證也武億釋作頽誤纂承微烈洪業

方隆生志未遂。己太和十七年歲次戊申七月庚辰朔十二日壬

子案此年月  
即子皆誤薨于第。己永平四年歲次辛卯十月癸亥朔十一日

癸酉遷葬在溫城西北廿里記之。

遙哉遠裔。緬矣鴻胄。承符紹夏。作賓千周。貞明代襲。奕世宣流。誕

生夫子。刻纂徽猷。崇基方構。嘉業始脩。蘭摧始夏。桂折未秋。感戀

景行。式述遺休。

碑拓本

司馬景和妻孟氏墓誌銘

延昌三年正月

夫人姓孟字敬訓。清河人也。蓋中散大夫之幼女。陳郡府君之季

妹。夫人資含章之淑氣。廩懷淑之奇風。芬芳特出。英華秀生。婉問

河洲。鼓鐘千里。年十有七。而作嬪于司馬氏。自笄髮從人。檢無違

度。四德孔脩。婦宜純儷。奉舅姑。己恭孝與名。接娣娣。己謙慈作稱。

恆寬心靜質。舉成物軌。謹言慎行。動爲人範。斯所謂三宗。厲矩九族。

承規者矣。又夫人性窈如姬。多于容納。敦桃天之宜。上篤小星之

遑下故能慶茲斯五男三女出入閨闈諷誦崇禮義方之誨既形  
幽閑之教亦著然盡力事上夫人之勤夫婦有別夫人之識捨惡  
從善夫人之志內宗加密夫人之恤姻于外親夫人之仁夫人有  
五器而加之已躬儉節用豈悟天道無知與善徒言享年不永凶  
音橫集春秋冊有二曰延昌二年夏六月甲申朔廿日癸卯遘疾  
奄忽薨于壽春嗚呼哀哉粵三年正月庚戌朔十二日辛酉歸葬  
于鄉墳河內溫縣溫城之西寔曰營原與塋窆野成丘故式述清  
高而爲頌云

穆二夫人乘和誕生蘭蕤蕙綵玉潤金聲令聞在室徽音事庭方  
孚洪烈藪古流名如何不淑早世徂傾思聞後葉刊石題誠碑拓本  
洛州刺史刁遵墓誌銘

高祖協元亮晉侍中尚書左僕□□□□□□□□□□□□□□  
□□□□□□□□夫人彭城曹氏父義晉梁國□□□□□□□□



治于民。正始中，徵爲太尉高陽王諮議參軍事。王曰：公有古人之風器而禮焉。俄而轉大司農少卿，均節九賦。曰：豐邦用，莅事未幾，遷使持節都督洛州諸軍事、龍驤將軍、洛州刺史。公之立政，惠流兩疆，平陽慕化，辟地二百方。一江河成功，告老，上天不弔，忽焉降疾。熙平元年秋七月廿六日，春秋七十有六，薨于位。朝廷痛悼，百寮追惜，贈使持節都督兗州諸軍事、平東將軍、兗州刺史。侯如故。加諡曰惠禮也。惟公爲子也，孝爲父也，慈在臣也，忠居蕃也，治兄弟，穆常棣之親，朋友著必然之信，尊賢容眾，博施無窮，載仁抱義，行藏罔滯，溫恭好善，桑榆彌篤。小子整等泣徂年之箭駿，痛龜策之告祥，奉靈輜而號慟，遷神柩于故鄉。曰：二年歲次丁酉冬十月己丑朔九日丁酉，窆于饒安城之西南孝義里。皇考儀同簡公之左松門承閼，深局長鍵，庶鐫石于下壤，仰誌德于幽泉。其辭曰：倏倏絲緒，帝傭之肩，驛代貞賢，自唐暨晉。明哲迭興，忠能繼繼，在

洛雲居、徂揚岳、鎮氛鯨、興虐金、麻道亡、於昭我祖、遑難來翔、位班鼎、列朝望、斯光顯、顯懿考、奉構腰、璜依仁、挺信據、德樹明、紉龜出宇、入讚台、衡惠露、千里道、懋愧庭、清風遙被、徽音遠盈、曰登農、武播稼、是司魏、魏高廩、禮教將怡、邊城侯捍、戎氓佇治、秉旄肅命、董牧宣威、方叔剋壯、燕夷遐齡、庶乘和其必壽、泣信順而徂、頌攀號兮、周訴摧裂、兮崩聲、銘遺德兮、心已靡、刊泉石兮、慟深局、夫人同郡高氏、父允侍中、中書監司空咸陽文公、碑拓本 案此石角其銘云帝僂之用僂字雖識常是帝堯借僂爲之僂又變作僂從人從龍此碑復誤爲僂耳 崔敬邕墓誌銘、熙平二年十一月

祖秀才諱殊、字敬異、夫人從事中郎趙國李休女、父雙護中書侍郎冠軍將軍豫州刺史安平敬侯夫人中書趙國李詵女、魏故持節龍驤將軍督營州諸軍事營州刺史征虜將軍大中大夫臨青男崔公之墓誌銘

君諱敬邕博陵安平人也夫其殖姓之始蓋炎帝之胤其在隆周遠祖尙父實作太師秉旄鷹揚剋佐撫殷若乃遠源之富奕世之美故曰備之前冊不待詳錄君卽豫州刺史安平敬侯之子胄積仁之基累榮構之峻特稟清貞少播令譽然諾之信著于童孺瑤音玉震聞于弱冠年廿八而雋華茂實已纒流于京夏矣被旨起家召爲司徒府主簿納贊槐衡能和鼎味俄而轉尙書都官郎中時高祖孝文皇帝將改制創物大崇革正復曰君兼吏部郎詮敘彝倫九流斯順太和廿二年春宣武皇帝副光崇正妙簡宮衛復曰君爲東朝步兵景明初下母憂還家居喪致毀幾于滅性服終朝廷曰君膽量凝果善謀好成臨事發奇前略無滯徵君拜爲左中郎將大都督中山王刺史出圍僞義陽城拔凱旋君有協規之效功績隆盛授龍驤將軍太府少卿臨青男忠勸之稱實顯于茲永平初聖主曰遼海戎夷宣化佇賢肅慎契丹必也綏接于是除

君持節營州刺史將軍如故君軒鎮始邁聲猷已先麾蓋踐壇而  
溫膏均被于是殊俗知仁荒岫識澤惠液達于述遐德潤渾于邊  
服延昌四年己君清政懷柔宣風自遠徵君爲征虜將軍太中大  
夫方授美任而君嬰疾連歲遂己熙平二年十一月廿一日卒于  
位緒紳痛惜姻舊咸酸依君績行蒙贈左將軍濟州刺史加諡曰  
貞禮也孤息伯茂銜哀在疚摧號因訴泣庭訓之崩沈淚松楊之  
已樹洞抽絕其何言刊遺德于泉路其辭曰

縣哉遐胃帝炎之緒爰歷姬初祖惟尙父曰周曰漢榮光繼武邁  
德傳輝儒賢代舉於穆敬考誕質含靈秉仁岳峻動智淵明育善  
己和獎幹己貞響發邦丘翼起槐庭慶鍾盛世皇澤遠融入參彝  
敘出佐邊戎謀成轅幕績著軍功偽城颯偃蠢境懷風王恩流賞  
作捍東荒惠沾海服愛洽遠鄉天情方澍簡爵惟良如何倉吳國  
寶淪光白楊晦己籠雲松區杳而煙邃貌孤叫其崩窆親賓輿而



垂淚仰屋寫而摧號痛尊靈之長祕誌遺德兮何陳篆幽石兮深

遂嗚呼哀哉碑拓本

濟青相涼朔恆六州刺史高植墓誌銘

君諱植字子建勃海蓀人也關下茂烈皆備之國籍家傳不復更

錄關下之子君稟靈原之秀關下慧口口機口口者顧陽關下求

至道于司衿始此關下宣武皇帝關下皇帝已關下衛關下理沈

關下絕白駝之關下我曰方約我曰關下心始口奸詐之輩關下

君在關下口神口飈然關下泉關下至德口虛廢關下名山口循

關下贖今關下豪痛彼蒼者天喪此明公瓊矣哲人惟義是依每

見我君終始許師大魏神龜關下碑拓本

司馬晒墓誌銘正光元年十一月

君諱晒字景和河內溫人也晉武帝之八世孫淮南王播之曾孫

魏平北將軍固州鎮大將魚陽郡宜陽子興之子先室屯離宗貞

介否乃祖歸國賞已今爵奕世承華休榮彌著君有拔羣之奇挺  
世之用神風魁崖機悟高絕少被朝命爲奉朝請牧王主簿員外  
散騎侍郎給事中從驩驩府上佐遷揚州車騎大將軍府長史帶  
梁郡太守在邊有暉略之稱轉授清河內史此郡名重特日人舉  
不幸遇疾己正光元年七月廿五日薨于河內城朝廷追美詔贈  
持節左將軍平州刺史非至行感時孰能若此己庚子之年亥楊  
之月廿六日丙申葬于本鄉溫城西十五都鄉孝義之里刊石誌  
文而爲辭曰

君侯烈烈玉操金聲高風愕愕屢歷徽榮奄然辭住沒有餘聲

茲泉石用銘休貞

碑拓本

懷令李超墓誌銘

正光六年正月

君諱超字景昇本字景宗後承始族叔在江左者懸同故避改云  
秦州隴西郡後道縣都鄉華風里人也雅著高節敦襲世風言行

足師興作成準。倫情孝友。因心名義。安貧樂道。息詭遇之襍。介然  
峻特。標礪焉之操。弱冠舉司州秀才。拜奉朝請。除恆農都冠軍府  
錄事參軍事。宰沁水縣。巨政崇治。綽居尤最。爲受罪者所誣。章憲  
臺誤聽。被茲深劾。除名爲民。于是廿年中。浮沈閭巷。玉潔金志。卓  
爾無悶。到熙平二年。甫更從宦。補荊州前將軍騎兵參軍事。復作  
懷令。已受拜。垂垂述職。遭疾。正光五年八月十八日卒于洛陽縣  
之永年里宅。時年六十一。孤貞華首。訖于二邑。門從無兩。遠邇酸  
恨。懷之百姓。長慕喪氣。雖陳畱之哀望。胡季歆不是過也。越六年  
正月丙午朔十六日辛酉。葬洛陽縣覆舟山之東南。玄壤難窮。陵  
谷時異。刻茲陰石。照序光塵。

泱泱顯族。斂聲西垂。代襲清則。杳炳羽儀。道妙之門。緒風屬斯。惟  
祖惟考。個儻瓌奇。昌謨迭駕。高燧明規。杳量无隄。玄契不貲。惚脩  
異貫。員應紛枝。灼灼伊君。山立淵淳。棲真宅正。寢繩履程。懿鑠爲

質醇素用情均治禮世氣重財輕亦既從招旁溢鴻聲隨牒出入  
密勿力誠爰拉近邑先邁儀形絕交獨坐化動陰實尙德貽咎眾  
實巨葢拂衽歸來飭轅褊帶恂恂鄉閭万殊一會優柔善成无小  
无大垂白再仕汎爾沿流階倫稍降盛業愈邁逢作後城士女承  
休繼頓方馳盡土悲愁剋節炯言引賞靡微端恭妄厯家俗虛磨  
摧彼圯跡事罕篇緇長源未輸深旨仁卷蘊此逸機空生徒返茲  
冤易削疇毒難遺楨南疏竦泉房寒遠孀孤內嬭妹弟摧頽式鏤  
沈石託注幽篆

妻恆農楊氏父談爲邠州主簿息女孟宜年卅六適恆農王始僞  
郡中正息女媛姿適遼西常彫侍御史息女仲妃適武威賈子謐  
涼州治中息道冲息女婉華息女然顏息女四輝息道遜年十六  
息道栖年十三

南秦州刺史司馬昇墓誌銘

君諱昇字進宗河內溫縣孝敬里人也其先晉武帝之苗裔曾祖彭城王禧金聲于晉闕作蕃牧于家邦祖荊州才地孤雄震玉譽于江左來賓大魏爲白駒之客始踐北都逢授侍中使持節征南大將軍開府儀同三司十州諸軍事封琅邪王後遷司徒公父口口鎮割隴西關右著唯良之績君慕帝王之資憑萬乘之肩夙慧早成絕于羣輩君志性貞明稟撻鯁直又能孝敬閨門肅雍九族鴻才峻邁聲溢洛中曰孝昌二年釋褐太尉府衛參軍又除懷縣令雖牛刀恥雞且錦遊邦里莅政未幾禮教大行君臨茲百里承流敷化故能申述典謨奉遵皇猷使盜息如奸藏令行如禁止懷邑之民咸稱良翰方席好爵而窮仕路極纓冕曰官王寮如天道無徵弔善徒言遭疾一朝哲人云亡曰天平二年歲次乙卯二月廿一日春秋冊有一薨于懷縣贈使持節冠軍將軍都督南秦州諸軍事南秦州刺史曰其年十一月七日葬于溫縣但曰日月

不停遷寔有期墓門刊誌勒銘泉扈其詞曰

盛矣修源發業晉軒隴西之子琅邪之孫如冰斯潔如玉之溫往  
賢謝美今儁何言墓武彭城承流全晉萬乘之胄龍德之胤辰極  
方高蒼海比潤崇基卓立鬱矣孤峻少播令問弱冠飛聲克壯集  
譽讀彼槐庭帝嘉明德作邑懷城義風烟欲道化雲行才明不壽  
自古在先顏生二九菱哲殲賢之子之亡如仕之年永辭白日甚  
歸黃泉遠送平原葬于溫縣隴樹冬寒夏凝霜霰勒銘德埏誌其  
鄉縣萬歲千齡誰問誰見

碑折本

齊州刺史高湛墓誌銘

元象二年十月

君諱湛字子澄勃海滌人也靈根遠秀啟慶兆于渭川芳德遐流  
宣大風于東海作範百王垂聲萬古耆矣故情公勢重鄰伯捐師  
元卿位尊管仲辭禮皆所已讓哲推賢遠明風軌祖冀州刺史勃  
海公文昭武烈望擢中夏惠沾朝野愛結周行考侍中尚書令司

徙公英風秀逸，儁氣雲馳。虬顧帝鄉，威流宇縣。君稟慶緒于綿基，挹餘瀾于海澳。幼尚端凝，長好文雅。非道弗親，唯德是與。逍遙儒素之間，慕申穆之遺風。徘徊文史之際，追牧馬之逸藻。至于憑春灑翰，席月抽琴。邁昔哲曰孤遊，超時流而獨遠。熙平啟運，起家爲司空參軍事。轉揚烈將軍羽林監。天平之始，襄城阻命。君文武兩兼，忠義奮發。還城斬將，蠻左同歸。朝廷嘉其能，縉紳服其義。假驩驤將軍行襄城郡事。君著績既崇，賞勞未允。尋除使持節都督南荊州諸軍事、鎮軍將軍、南荊州刺史。于時僞賊陳慶率被攻圍，孤城獨守，載離寒暑。終能剋保邊陲，全怙民境。復除大都督行廣州事。享年不永，春秋卅三。元象元年正月廿四日終于家。皇上動哀，能言灑淚。廼有詔曰：故持節都督南荊州諸軍事、假鎮軍將軍、揚烈將軍員外羽林監行南荊州諸軍事、南荊州刺史、當州大都督高子澄，識用開敏，氣幹英發。擁攝蕃翰，誠効剋宣。臨難殉軀，奄從

非命言命遺績有悼于懷宜申追寵式光往烈可贈假節督齊州  
諸軍事輔國將軍齊州刺史粵元象二年十月十七日遷葬于故  
鄉司徒公之塋千秋易往萬古難留故鐫石泉門曰彰永久其詞  
曰

丹虬降祉姜水載濤大人應期命世挺生垂竿起舉罷釣流聲經  
綸宇宙莫之與京眉司下蕃公衡上宰既顯營丘復擢東海四履  
流芳五城降綵繁柯茂葉傳華無改伊宗作輔忠義是依清溫昏  
霧橫埽塵飛日月再朗六合更暈玉帛斯集福祿修歸仁壽無遠  
積善空施風酸夏草霜結春池崑山墜玉桂樹摧枝悲哉永慕痛  
矣長離

碑本



賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷五十七終